

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Z E N I C A**

**Broj: T04 0 KT 0053373 23
Zenica, 16.09.2025. godine**

**OPĆINSKOM SUDU U ZAVIDOVIĆIMA
– Sudiji za prethodno saslušanje–
ZAVIDOVIĆI**

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

O P T U Ž N I C U

Protiv osumnjičenog:

G. V., neosuđivan,

što je:

Dana 02.06.2023. godine, u 12,31 sati, na području općine M., ugrozio sigurnost B. F., na način da je sa svog mobilnog telefona broja ... pozvao oštećenog na njegov mobilni telefon broja ... i tim putem se predstavio da je lice iz H., govoreći mu da je njegov sin B. A. njemu dužan 3.500,00 Eura, te da ga zove jer mu se A. ne javlja, a zatim oštećenom ponovo u 15,40 sati poslao SMS poruku sa broja telefona ... prijetećeg sadržaja: „Ja mogu preboliti 8 hiljada maraka, ali ti ne možeš preboliti paljenje auta svako pred kućom što imaš, bolje ti je reguliši dug da nikoga glava ne boli“, svjestan da na taj način izaziva osjećaj ugroženosti, te uznemirenje i strah kod oštećenog, što je i htio, zbog čega se oštećeni B. F. osjetio ugroženo i zabrinuto za svoj život i život njegove porodice, što je odmah i prijavio policijskoj stanici

dakle, ugrozio sigurnost neke osobe ozbiljnom prijetnjom da će napasti na život ili tijelo te osobe i izazvao uznemirenje građana,

čime je počinio krivično djelo ugrožavanje sigurnosti iz člana 183. stav 1. KZ FBiH.